



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

Литер. №.

[фундументы] [список] —  
№№ в архиве]:

160

✓ 1580

1999

Handwritten musical notation consisting of four vertical stems with various horizontal and diagonal lines indicating pitch and rhythm.

Handwritten musical notation consisting of six vertical stems with various horizontal and diagonal lines indicating pitch and rhythm.



Թ. ՄԱՐԿԱՆԻԱՆ.

Գ Ը Վ Ր Է Փ

Լեոն  
1580

# ՕՏԱՐ ՓՈՒՆՋԵՐ

Ա. ՀԻՒՍՔ

ՇԻՆՔԵՐԻՑ

ԹԱՐԻՄԱՆՆՑ ԳՆՐՈՒՆԵՐԵՆԻՑ  
ՄԵՍՐԱԳ Վ. Մ. ՄԱՔՍՈՒԳԵԱՆՑ

Թեմ. տպարան Հայոց Ատրպատականի  
ՅԻՇԱՏԱԿ ՎԱՂԱՄԵՌ ԵՂԻՍԱՔԵԹԻ ՄԻՐՁԱՐԷԳԵԱՆՑ  
ԴԱՎՐԷԺ

1904



1687

ՄԱՅՐԻՍ

Անյո՛ւ կարիդ, քաղցր ծագիդ,  
Արսունքներիդ դառնագին՝  
Ի փոխարէն ճե՛ք որդեկիդ  
Նուէրն այս է, Մա՛յր անգին:

Զնչի՛ն նուէր, բայց ի՞նչ արած,  
Զունիմ ո՛չինչ աւելի,  
Որով սփոփեմ սիրոյ ցաւած,  
Պատկեմ սերդ մայրենի:

ԽՈՒՆԻ  
Կ.Ղ.

1904 Մարտ 17

ԳԱՎԱՐՏՈՒ

41580-60

38

ԻԲԻԿՈՍԻ ԿՌՈՒՆԿՆԵՐԸ.  
(Die Kraniche des Ibykus)

Դից համակրելին երգիչն Իբիկոս  
Ուղղեց քայլերը դէպի Կորնթոս,  
Ուր կար կառքերի և երգի մրցում,  
Որ յոյն ցեղերին էր միացնում,  
Ունէր նա շնորհ երգելու քաղցրիկ  
Պարզ և ստացած մեծն Ապոլոնից.  
Այսպէս դուրս ելաւ երկրից իբր ընիկ,  
Չեռին թեթև ցուպ, սիրտն հռանդալից:

Բարձրացել էր նա սարի կողմ արդէն,  
Ակրոկորնթոսն երբ տեսաւ իր դէմ,  
Եւ Պոսիդոնի եղենեացն անտառ  
Մտաւ երկիւղած սրտով դողահար:  
Լուռ էր շորս կողմը, լռիկ կռունկների  
Երամներն էին ուղեկցում նրան,  
Որ քաշուում էին դէպի հարաւի  
Տաք աշխարհները խմբով անբաժան:

— Ողջո՞յն ձեզ, ողջո՞յն, սիրուն երամներ,  
Որ մինչև ծովը եզար ինձ ընկեր.  
Ձեզ բարի նշան կ'ընդունիմ ես ինձ,  
Մինչ իմ վիճակն էլ տարբեր չէ ձերից.  
Հեռուից ենք գալիս թէ դուք և թէ ես  
Եւ կարօտում ենք հիւրասէր յարկի.  
Ո՛ւր է մեզ զթար վանատուրը Ձեւ,  
Որ պաշտպանողն է ամէն օտարի:

Եւ ուրախ գուարթ առաջ է գնում,  
Բայց երբ անտառի խորերն է հասնում,  
Նեղ արահետին երկու մարդասպան  
Ճանապարհն յանկարծ կտրում են նրան.  
Ստիպւում է նա պատրաստուել կռուի,  
Բայց դողում է ձեռն ահից թուլացած.  
Քնքոյշ լարերն է բռնում քնարի,  
Գրանց վրայ էլ թափ չէր մնացած:

Ձայն է արձակում զից և մարդկերանց,  
Չի գտնում սակայն փրկարար մի անձ.  
Որքան էլ հեռու հնչում է իր ձայն,  
Չկայ, չի տեսնում հետք կինդանութեան:

Ա՛խ, մեռնո՛ւմ եմ ես, հեծումէ տրտում,  
Օտար հողի վրայ շար մարդկանց ձեռից.  
Ոչ որ ինձ համար արտունը չի թափում,  
Ձուրկ եմ նոյնպէս և մի վրէժխնդրից:—

Եւ ընկնում է իր առած վէրքերից.  
Աղմկում էին կռուներն վերից,  
Երբ այլևս աչքի լոյսից զրկուած  
Լսում էր միայն ձայները նրանց.  
— Գնէք եղէք գոնէ, ո՛վ իմ կռուներ,  
Մինչ լռելու է ձայնը մարդկային,  
Իմ զժբախտ մահի բողբոջարկուներն...  
Ասաց վերջապէս և փակեց աչուին:—

Գտան նրա մերկ զիակը սառած,  
Որ թէպէտ վէրքից նոր գոյն էր առած,  
Սակայն ճանաչեց նրա բարեկամ  
Եւ Կորնթոսի վանատու իշխանն.  
Ա՛յս կերպ, ո՛վ երգիչ, տեսնէի քեզ ես,  
Մինչ իմ փափաքն էր հիւսել քո ճակտին  
Եղենայ պսակ շքեղ ու պէս պէս.—  
Գոչեց ու ողբաց ձայնով վշտազին:



Եւ Պոսիդոնի տօնին հաւարուած  
 Բոլոր հիւրերը լալիս են ցաւած.  
 Կորուստն էր անդարձ, ուստի և վիշտը  
 Պատում է բոլոր յոյների սիրտը,  
 Որոնք գայրոյթի շափ չին ճանաչում,  
 Խուժում են մօտը առննակալի.  
 Մեռածի համար վրէժ պահանջում,  
 Թափել արիւնը մարդասպանների:

Բայց ո՞ր էր հետքը, որ այդ խա-  
 դերի

Փառքից շլացած ժողովուրդների  
 Ամբոխի միջից մատնանիշ անէր  
 Եղեռնագործին: Արդեօք մի հէ՞ն էր  
 Վատ ու քարասիրտ, որ կատարեց այդ  
 Թէ մի թաքնուած ստոր թշնամի.  
 Ոչոքի, միայն Հելիոսին է յայտ,  
 Որին երկրի վրայ ոչինչ կայ գաղտնի:

Նա այժմ էլ գուցէ ժպիրհ քայլերով  
 Գնում է հենց նոյն յոյների միջով,

Որք մինչ եղածի վրէժն են հայցում,  
 Ինքը իր ոճրի պտուղն է քաղում,  
 Կամ աստուածների հակառակ կամքին  
 Գուցէ հենց նորանց տաճարի մէջտեղ  
 Խառնում է իրան այն մարդկանց շարքին,  
 Որք՝ թատերասէր՝ դիգուել են այնտեղ:

Նստարանները կաշում են իրար,  
 Ամբոխն անում է, խոնում անդադար,  
 Եկած, ժողովուած մօտից կամ հեռուից,  
 Քիչ է մնում հանեն բեմն իրա տեղից:  
 Խուլ մոնչիւնով որպէս այիքներ,  
 Քանի անում է թիւը մարդերի,  
 Չէնքը հասնում է տակաւ դէպի վեր  
 Մինչև կապուտակ կամարն եթերի:

Եւ ո՞վ կարող է թուել մի առ մի  
 Ցեղով անունով հիւրերն հանդէսի,  
 Թեսեսի քաղաքն, ինչպէս և Ալիս,  
 Լակեդեմոնն ու անուանին Փովկիս,  
 Ասիոյ ափերն ու կղզիք բոլոր,  
 Բոլորն էլ ունին ներկայացուններ,

Եւ ո՞վ  
 Կարող է  
 Թուել  
 մի  
 առ  
 մի  
 Գր. Ա. Գ.

Որոնք վերեւից լսում են ինչ որ  
Երգում է պարը—երգ վարհուրարե՛ր :

Պարը խիստ ու լուրջ, ինչպէս սովոր էր,  
Յամբ ու համաչափ ուղղում է քայլեր,  
Բեմի ետեւից առաջ ընթանում,  
Թատրոնի շորս զին շրջան է անում.  
Հողածին կանայք չեն քայլում այսպէս,  
Սրանք գերբնական էակներ էին,  
Որք բարձրահասակ հսկաներ որպէս  
Չունէին մարդու հասարակ մարմին:

Մէջքները ծածկած սև վերարկուով  
ձօճում են, դարձնում մսաքանց ձեռով  
Ջահի արձակած բոցն աղօտազին,  
Չկայ արեան հետք ոչ մէկի դէմքին.  
Իսկ մինչ մեղմարար հերք այեծածան  
Մարդկային ճակատից տատանում են ցած,  
Տեսնում ես այստեղ ի՞ծ և օձ միայն՝  
Սպանիչ թոյնով փոքրներն ուռցրած:

Եւ սկսում են շրջել միատեղ.  
Հնչում է նրանց նուազը անեղ,  
Որ մինչ սրտերի խորն է թափանցում

Եւ ոճրագործին ցանցի մէջ ձգում.  
Հնչում է երգը Երինէների,  
Ուշաթափ անում, մոլորում սրտերն,—  
Ապշում է ամբօխն ունկնդիրների,  
Տեղի են տալիս, լուում քնարներն:

—Երանի նրան, որ մեղքից ազատ  
Ունի մանկական հոգի անարատ.  
Չունինք դէպի՛ նա մենք սիրտ ո՛ր աւալ,  
Կարող է ազատ ո՛ւր ուղէ գնալ:  
Բայց վնջ, վնջ նրան, որ գաղտագողի  
Թափում է արիւնն անմեղ մարդկերանց.  
Մենք կը հալածենք, ձեռքից չենք թողնի՛  
Խաւարի այդ շար ծնունդն անիծուած:

Իսկ թէ կարծում է խուսափել մեզնից,  
Մենք կը սլանանք իրա ետեւից.  
Յանցիք կը լարենք խոյս տուող ոտին,  
Որ ինքն ստիպուած գլորուի գետին:  
Այսպէս պիտ' անխոնջ հալածենք նրան,  
Ոչ մի գղջումի մենք տեղի չենք տալ.  
Հալածենք պիտի իր սուուերն անզամ,

Մի քայլ իսկ ազատ չի կարող գնալ:—

Այսկերպ երգում են. բոլորում պարում  
եւ խաղաղութեամբ տունն ամբողջ լըց-  
նում

Ինչպէս մի խորին լուսութեամբ մահուան,  
Կարծես դիք էին մօտեցել այդ տան:  
եւ պարը շքով, ինչպէս սովոր էր,  
Թատրոնի շորս դին շրջան է անում,  
Յամբ ու համաչափ ուղղում է քայլերն  
եւ անյայտանում բեմի եակում:

եւ բարախում են կուրծք այետատան  
նենգութեան միջև և ճշմարտութեան,  
եւ սարսափահար մնում այն ոյժից,  
Որ հսկում է միշտ մթութեան միջից,  
Որ անթափանց է և միշտ անքնին,  
Հիւսում է աղօտ կծիկը բախտի,  
Ծանօթ է սրտի բոլոր խորշերին,  
Միայն խոյս տալիս լոյսիցն արևի:

Բայց ահա մի ձայն սանդուղի վերին  
Աստիճաններից հասնում է մեկին.

—Նայիր, Տիմոթէ, նայիր դէպի վեր,  
Տես Իբիկոսի ասած կռունկներ,—  
Երկինքը յանկարծ մութ գոյն է անում,  
Երբ կռունկների մի խումբ սևորակ  
Թատրոնի վերից թռչում է, անցնում  
Իբր օդասլաց մի անկարգ բանակ:

Ի՞նչ, Իբիկոսի, — այս անգին անունն  
էլի է յուզում սրտերն ամենուն.  
եւ ինչպէս ծովում ալիքից ալիք  
Բերանից բերան խօսում են մարդիկ.  
Ա՛յն Իբիկոսի, որ լաց ենք լինում,  
Որ սպանուել է մարդասպաններից,  
Դր՛ա համար ի՞նչ, ի՞նչ է կամենում,  
Ի՞նչ է դա ուզում այդ կռունկներից: —

եւ քանի գնում, հարցը բարձրանում,  
Կայծի պէս արագ թռչում է, անցնում  
Բոլոր սրտերից. — Տեսնում էք, ահա,  
Եւ մենիտների զօրութիւնն է սա.  
Լուծուի վրէժը բարեպաշտ երգչի.  
Մէջտեղ կանչեցէք եղբունագործին,

Բռնեցէք առաջ իբրև սպանչի  
Նրան որ խօսեց, ապա խօսակցին:

Ա՛խ, երանի թէ բերնիցը փախած  
Խօսքը կրծքում դեռ մնար թաք կացած,  
Բայց իզո՛ւր, ահից տժգունած բերանն  
Հանում է յանցանքն իսկոյն երևան:  
Դատաւորի մօտ բերում են նրանց,  
Թատերաբեմը դառնում է առեան,  
Խոստովանումեն ոճիրը իրանց  
Եւ ենթարկուում վրէժխնդրութեան:

ՀԵՐՕ 1 ԵՒ ԼԵԱՆԴԵՐ 2

(Hero und Leander)

Տեսնո՞ւմ էք, ինչպէս այնտեղ հնապանծ  
Երկու զգեակներ նայում են միմեանց  
Փայլելով արվու ոսկի շողերից,

( 1 Հերօ—Աստղիկի քմուկին:

( 2 Լեանդօ—Աբիւղոսցի յոյճ երիտասարդ,  
Հերօի սիրահար:

Մինչ Հելլեսպոնտի ալիքներն ուժգին  
Մռնչում, յուզուում, հասնում են երկին  
Դարդանելի սէզ ժայռերի դռնից:  
Լսո՞ւմ էք, ինչպէս կոծում են ալիք,  
Խփուում ժայռերին, հանում փոթորիկ  
Խլելով Եւրոպն Ասիոյ զրկից.  
Չի վախում նրանցից սէրը միայնիկ:

Սուրբ, աստուածային ոյժովը իբ Սէր  
Վշտերի նետով յարուցեց յոյգեր  
Հերօի սրտում, նոյն և Լէանդրի.  
Հերօն ծաղկում էր Հերէի նման,  
Միւսը սարերում գալիս էր միշտ ման:  
Սպառազինուած զէնքերով որսի:  
Սակայն հայրերի քէնը փոխադարձ  
Խզեց սիրահար գոյգի կապն յանկարծ,  
Որով վտանգի վհին սոսկալի  
Սիրոյ պտուղը մնաց միշտ կախուած:

Այնտեղ Սեստոսի ժայռի գագաթին,  
Որին յարատև յորձանքով ուժգին  
Հելլեսպոնտոսը փրկուր է բաղխում,

Նստել է մենակ կոյսը տխրազգած,  
 Աչքն Աբիւղոսի եղերքին յառած,  
 Որտեղ իր սրտի հատորն է ապրում:  
 Ախ, չկայ կամուրջ, չկայ մի գերան  
 Գէպի հեռաւոր ամին այդ սիրական,  
 Ոչ էլ այն կողմում նաւ է երևում.  
 Բայց դրա էլ սէրը գտել է ճամբան:

Մուժ շաւիղներից Լաբիւրինթոսի  
 Նա գուրս է հանում կծկով այնպիսի,  
 Որ հաւկուրին իսկ խելօք է դարձնում.  
 Լուծի է բերում նա գազաններին,  
 Եւ կրակ շնչող վայրագ ցուկերին  
 Ադամանդահիւս արօրին լծում.  
 Նոյնիսկ ինն անգամ շրջան կատարող  
 Ստիւքսն այդ քաջին չի եղել մերժող.  
 Որ իր սիրածին բազկով աննկուն  
 Խլեց Պլուտոնի տանից միժասրոյ:

Այժմ էլ յորձանուտ ջրերի միջով  
 Տենչանքի հուրն ու բոցն արծարծելով  
 Վառում է դիւցազն հոգին Լէանդրի:  
 Երբ տժգնում են արևի շողերն,

Անվախ պատանին, թափ տալով թևերն,  
 Ճեղքում է ծովի ջրերն ամենի,  
 Եւ միշտ լող տալով բազկով աննկուն՝  
 Պոնտոսի միջին, գոռ ալիքներում,  
 Ճղնում է հասնել ամին այն փարելի,  
 Որտեղ վերևում, մի ջահ է վառուում:

Եւ սիրելուհու քնքուշիկ գրկում  
 Բախտաւոր տղան միշտ հանգիստ գտնում,  
 Իր յոպնութիւնից առնում է դադար  
 Եւ դից ընդունում վարձքն հանապազօր,  
 Որ տալիս է նրան Սէրն ամենագօր՝  
 Գրկախառնութեամբ միշտ բերկրապա-  
 տար,

Մինչև այդ ծոյլին երազից ոսկի  
 Գալիս հանում է ձեռն Արշալոյսի  
 Եւ ծածկու՞մ ծովի անկողնի մէջ սառ՝  
 Խլելով Սիրոյ ծոցից հեշտալի:

Եւ երջանկացած գոյգից այս կերպով  
 Երեսուն արև անցաւ խոյս տսլով,  
 Մինչ խլում էր գոյգն հեշտանքներ գաղտ-  
 նի,

Ինչպէս հարսնեկան գիշերուայ քաղցրիկ  
Վայելքներ, որոնց տենչում են և դիր՝  
Յաւէտ անթառամ, յաւէտ պատանի:

Ով դեռ զժոխքի գետափին նստած՝  
Ահով, սարսուռով չի յափշտակած

Այդ չնաշխարհիկ պտուղը երկնի,  
Նա երջանկութիւն դեռ չի ճաշակած:

Եւ պարբերաբար Այգն ու Արուսեակ  
Փայլում են երկնի վրայ կապուտակ,  
Բայց զոյգն երջանիկ կարծես թէ բնաւ  
Չէր տեսնում թափուելը տերևների  
Կամ մօտենալը ցասկոտ ձմեռի

Ցրտաշունչ հիւսսի յարկերից խոնաւ:  
Ինչքան աւելի որ կարճացաւ տիւն,  
Այնքան բերկրեցան նրանք այդ առթիւ.  
Գիշերներն երկար, հեշտամքներն անբաւ,  
Տալիս էին Ջևսին ե՛ւ փառք ե՛ւ պատիւ:

Իսկ մի օր արդէն օր ու գիշերուայ  
Հաւասար էր կշիռն երկնքի վերայ,

Երբ չքնադ կոյսը ժայռի զագաթից  
Նայում, տեսնում էր, ի՛նչպէս եթերի

Գիրկն են խոյս տալիս ձիանքն արևի,  
Մինչ ցածում ծովը հանդարտ ու անբիծ՝  
Ե՛ւ մարուր եւ ջինջ՝ հայելու նման՝  
Հանգչում էր բնութեան ծոցում անսահ-  
ման,

Երբ բիւրեղակերտ այս մեծ որրանից  
Չէր լսուում քամու մի շշիւն անգամ:

Լռելեայն հիւսուած այս սիրոյ կապին  
Միայնիկ վկայ՝ դլփիններն էին,

Որոնց խմբերը այժմ ուրախ գուարթ  
Պար էին գալիս ծովի խորերում  
Ջինջ, արծաթափայլ տարրի շորս կողմում,  
Երբ դուրս էր թռչում՝ մարմնով  
գունազարդ,

Թետիսի գունդը ծովի խորերից,  
Թէև դրանց էլ խօսքը բերանից  
Խլել էր ընդ միշտ դիցուհին Հեկատ,  
Որով գուրկ էին խօսելու բախտից:

Եւ սքանչացած ծովից գեղեցիկ՝  
Խօսեցաւ Հերօն ձայն տալով հեզիկ,  
Խնդութեամբ դէպի Տարրը դառնալով.

Արդար ես դու միշտ, ո՞վ շքնաղ աստուած,  
 նա ինքն է խարող, խոստմնադրուժ և  
 ո՞վ քեզ կ'ասի կեղծ՝ սրբապիղծ լեզուով՝  
 Կեղծ է մարդկային ազգը բովանդակ,  
 Քարի է նման հօր սիրտը վայրագ,

Մինչդեռ դու քաղցր ես և խոնարհ  
 հոգով:

Սիրոյ վիշտն յուզում է քո սիրտն ու  
 հոգեակ:

Ես այս ամայի ժայռերի խորշում՝  
 Ողբում, լալիս եմ, ծաղկի պէս թօշնում  
 Յաւիտենական թախիծը դէմքիս,

Մինչ դու բերում ես քամակիդ առած,  
 Թէև ոչ նաև կայ, ոչ կամուրջ ձգուած,

Գիրկս դնելու միակ մտերմիս:  
 Մոսկալի է քո յատակը մթին,

Երկիւզով լի են ալիքներդ ուժգին,  
 Բայց պաղատում է քեզ սէրն երկուսիս,

Քեզ նուաճում է զիւցապնի հոգին:  
 Ինչու որ քեզ էլ, ո՞վ ալեաց աստուած,

Երովսի հօօր աղեղն է դիպած

Այն օրը, երբոր դեռ ծաղկահասակ  
 Հելլէն և իրա եղբայրն անվեհեր

Կտրելով քո խոր դահույքը անկը՝  
 Թուցնում էին խոյն ոսկեղիսակ:

Դու յաղթահարուած իր հրապոյրքից՝  
 Ձեռդ երկարեցիր մութ մի խորքից

Եւ քաշ տուեցիր մինչ ծովի յատակն:  
 Աննման կոյսին խոյի քամակից:

Նա աստճուղ հետ իբր աստուածունի  
 Խոր քարայրներումն ապրում է ջրի

Եւ այժմ իր անմահ կեանքն առաջ տա-  
 նում:

Ջնորհիւ անխոնջ սիրոյ օգնութեան  
 Նա յաղթում է քո վայրագ ցանկութեան

Եւ նաւաժարին նաւհանդիստ ուղղում:  
 Գեղեցիկ Հելլէ, պերճ աստուածունիս,

Քեզ եմ պաղատում, լսիր աղերսիս:  
 Այսօր էլ կրկին իմ սիրեցելուն

Բեր գիրկս հասցրու, խնդրում եմ, հոգիս:

— Եւ ջրերն արդէն մթազնում էին,  
 Երբ նա վերևում, ժայռի գագաթին,  
 Վառեց իր ջահը ծածանող բոցով,  
 Որպէսզի խորին և նսեմաստուեր  
 Անդունդի միջից պատանին տեսնէր  
 Ուխտուած սուրբ սէրն այդ իսկ նշանով:  
 Բայց ահա հեռուից լսուում են ձայներ,  
 Քամին մռնչում, յուզուում են ջրեր,  
 Աստղերի լոյսը պատում է քողով,  
 Զարթնել են ուզում խեղդող մրրիկներ:

Պոնտոսի անթիւ ալիաց երեսին  
 Պատում է գիշեր և մրրկածին  
 Ամպերի ծոցից հեղեղներ տեղում:  
 Կրակոտ շանթերն օդը պատում են,  
 Փոթորիկները քնից վարթնում են՝  
 Թողնելով իրանց որբանն ու հին տուն:  
 Եւ բամբակները կրկին ու կրկին  
 Խռովում, ճեղքում են անդունդն ահա-  
 գին,  
 Որն որ դժոխքի բերանի հանգոյն՝

Յօրանջում, բացուում, ոռնում է ուժգին:  
 — Վայ ինձ, գոչում է խեղճը և լալիս,  
 Վայ ինձ, մեծդ Ջևս, խղճա դժբախ-  
 տիս:

Ախ, ինչ էր որ ես ժպրհեցայ խնդրել.  
 Թէ աստուածները լսեն աղերսիս,  
 Թէ նենդ ծովերին գոհուի սիրելիս,  
 Փոթորկից խեղդուած ստիպուի մեռնել...  
 Փախուստ են տալիս ծովային բոլոր  
 Թռչուններն իրանց բոյներն հեռաւոր,  
 Եւ ծովախորշում բոլոր նաւերն էլ  
 Մըրկից ազատ՝ գտնում են անդորր:

Ախ, նորից անշուշտ անվախ պատանին  
 Ձեռնարկել է իր յանդուգն գործին՝  
 Մղուած մի հզօր աստուածի կողմից:  
 Բաժանման ժամին ուխտով սրբազան  
 Ուխտել է նա ինձ սէր յաւերժական.  
 Մահը լոկ նրան կը բաժնէ ինձնից:  
 Ախ, այս վայրկեանին նա ճակատ ճակտի  
 Ժանտ փոթորկի դէմ կանգնել է մարտի.  
 Եւ ջրերն ազատ իրանց սանձերից՝



Կուլ կը տան նրան բերնով վիթխարի:

Նենգամիտ Պոնտոս, հանգիստդ խաղաղ էր  
դաւաճանի դիմակը խարդախ,

Մինչ փայլում էիր հայելու նման:

Չկար երեսիդ մի թեթև ծփանք,  
Հանգչում էին քո ալիքն ու յորձանք,

Երբ հրապոյրներերդ գրաւեցին նրան՝

Քաշ տալով դէպի ծոցդ նենգաւոր,

Ուստից ետ դառնալ չէ հնարաւոր.

Ախ, ուր է տեսնէր միայն դաւաճանն

Այդ յորձանքներիդ սարսափը բոլոր:—

Եւ մինչ աճում է ժլտորն անպրոպի,  
Բարձրանում է ծովն և կարծես թէ մի

Լեռնաշղթայ է հիւսում ալիքից,

Որ ուռչում, փրփրում, հասնում է երկին

Եւ իջնում, բաղխում խութերի ոտքին:

Մինչև իսկ նաւի կաշնի կողերից

Ոչ մէկն անվնաս ավք չհասաւ,

Իսկ ջահը քամու շնչիցը հանգաւ,

Որով և ուղին գուրկ մնաց լոյսից—

Թէ ծով, թէ ցամաք ահով պատեցաւ:

Եւ պաղատագին Հերոն դառնում է

Դէպի Աստղիկը, որ նա պատուիրէ

Փոթորիկն մեղմել ջրերի ցատումն՝

Ուխտ անելով, որ խիստ քամիներին

Կը բերէ ինքը գոհեր մեծագին,

Ինչպէս ոսկեղջիւր մի հատ ցուլ սիրուն:

Անդունդի բոլոր զիցունհիններին,

Բարձունքի բոլոր նա աստուածներին

Իւրը ձեռն սուած ապերս է կարգում՝

Խառնելով իւրը ծովի ջրերին:

— Լսիր աղերսիս, լսիր, զիցունհի,

Դալար յարկերի դու վեհ տիրունհի,

Լսիր, երջանիկդ իմ Լեւկոթէա.

Դու որ փրկիչ ես միշտ հանդիսացած

Խեղճ նաւավարին, որ կաշկանդուած

Փոթորկի ձեռին՝ տեսել է իր մահ,

Այժմ էլ տարածիր գլխին Լէանդրի,

Քո սուրբ քողը, որ իր խորհրդալի

Ծածանումովը փրկէ և նրա

Կեանքն ալիքների շիրմից սոսկալի:

Եւ դադարում են կատաղի հողմերն.

Այնտեղ երկնքում փայլում են շողեր,  
 Ելնում է էոսն իր ձիաններով.  
 Եւ նորից խաղաղ, իր հին անկողնում,  
 Հանգչում է Պոնտոսն հայելու հանգոյն,  
 Նորից են ժպտում և՛ եթեր և՛ ծով.  
 Եւ փշրուելով հեզիկ ալեակներն,  
 Զոյում, փայփայում են ափի ժայռերն  
 Եւ քաշ են տալիս, հանդարտ խաղալով,  
 Մի անշունչ դիակ դէպի ծովեզեր:

Ա՛խ, Լէանդրն է, որ շնչից զրկուած,  
 Բայց իր սուրբ ուխտը դեռ չի մոռացած.  
 Տեսնում է կոյսը, ճանաչում նրան,  
 Եւ առանց ողբի մի ձայն հանելու,  
 Առանց մի կաթիլ արտսունք թափելու,  
 Սառն և յուսահատ նայում է միայն:  
 Նա անմխիթար նայում է վհին,  
 Նայում եթերի շողշողուն լոյսին,  
 Այն ինչ գունաթափ իր դէմքն աննման՝  
 Զիկնում է հրով իբր համեստ լուսին:

Ճանաչում եմ ձեզ, ո՛վ զօրութիւններ,

Դուք գործ էք դնում ձեր իրաւունքներն  
 Ա՛հ ու սարսափով, անողորմաբար:  
 Վաղուց էք ինձ այս վիճակուել, գիտեմ,  
 Բայց երջանկութիւն ես ճաշակել եմ,  
 Արդ, լաւագոյնն էլ այս էք ինձ համար:  
 Բովանդակ կեանքս նուիրել եմ քեզ,  
 Քո սուրբ բագնին եմ ծառայել միշտ ես,  
 Այժմ էլ թող լինիմ քո գոհը խոնարհ.  
 Աստղիկ, մեծ գշխոյ, շինի մերժես: —

Ասում, նետուում է ժայռի գագաթից  
 Կոյսը դէպի ծով, զրկուում կեանքից.  
 Ծածանում էին շորերն իր հազին:  
 Անշունչ դիակներն այդ սրբանուէր  
 Թաւալում է դիքն իր ալեաց խորերն  
 Ինքը լինելով գերեզման գոյգին.  
 Եւ բաւական գոհ իր կողոպուտից՝  
 Սողում է առաջ և անհատ կոյժից  
 Իր յորձանքները, որոնք վերջ չունին,  
 Հոսում է, հոսում միշտ նոր ու նորից:



ԿԱՍՍԱՆԴՐԱ

(Kassandra.)

Տրովայի սրահներում կար մեծ խնդու-  
թիւն՝

Դեռ չկործանուած պարիսպներն ամուր.  
Մի տեղ հարսանիք, պարեր ու կայթիւն,  
Միւսում քնարի երգեր քաղցրաւուր:  
Ամեն ով որ կայ, քրտինքը ճակտին,  
Լալագին կուռից առնում է գաղար.  
Պրիամ արքայի գեղեցիկ դուստրին  
Պելիսեանն հարս է տանում իր համար:

Եւ գափնեպսակ գնում են կառքերն  
Իրար ետեից մեծ հանգէս սարքած՝  
Դէպ աստուածների սրբազան յարկերն,  
Ուր կայ Թիւմբրացու բազինը կանգնած:  
Ամենքը հարբած Բաբոսի շնչից՝  
Մռնչում, ընկնում են հրապարակներում,

Բացի մի լքուած, սգաւոր կրծքից,  
Որ տառապում էր վշտերով անհուն:

Ձուրկ խնդութիւնից խնդութեան ծովում,  
Մենակ մնացած, առանց ընկերի,  
Կնում էր լռիկ Կասսանդրան տրտում՝  
Դափնեաց անտառը մեծն Ապոլոնի:  
Հագիւ թէ հասաւ մարգարէութիւն  
Անտառի խորը, սաստիկ գայրոյթով  
Իր ապարօշի շարտեց գետին՝  
Այսպէս սրտառուչ բողոք բառնալով.

— Ամեն դուռ բաց է խնդութեան համար,  
Ամենքն երջանիկ զգում են իրանց,  
Ծերուկ ծնողներս յոյս ունին պայծառ,  
Եւ քոյրս ունի զարգեր ճոխապանծ.  
Միայն ես եմ որ հեծում մենակ,  
Փախել է ինձնից ցնորքն անուշիկ.  
Ինչեր եմ տեսնում. կործանումն արագ  
Մեր պարիսպներին գալիս է մօտիկ:

Տեսնում եմ, ահա, շի ջահ է վառուում,  
Բայց այդ ջահը չէ Հիւմէնի ձեռին.

Տեսնում եմ, բոցը ամպերն է հասնում,  
Բայց ոչ թէ նման գոհի բոցերին.

Տեսնում եմ, զուարթ սարքում են հան-  
դէս,

Բայց և լսում եմ հոգևով նախազգած,  
Որ մի սաստուած է գալիս դէպի մեզ՝  
Բերելով իր հետ լաց ու աւերած:

Ձեն դնում ականջ իմ բողոքներին,  
Եւ հեզներով են վշտերս դիտում,  
Մինչ ես միայնակ սրտիս ցաւերին  
Գեռ պէտք է տանիմ այս լուսով վայրե-  
րում,

Խոյս տուած բոլոր երջանկներից  
Եւ ուրախների ծիծաղը շարժած.  
Ի՞նչ ծանր բաժին ստացայ քեզնից,  
Ո՞վ դու մեծ Պիւթեան, նհնգամիտ աստ-  
ուած:

Ինչո՞ւ համար դու ինձ ես կամեցած  
Ընտրել քարոզիչ քո պատգամների  
Այնպիսի տեղում, ուր, մտքով փակուած՝  
Նման են մարդիկ միայն կոյրերի:

Ինչո՞ւ ես տուել ինձ կարողութիւն  
Տեսնելու միայն, ոչ արգիլելու.  
Ինչ որ ծածկել ես, է իրողութիւն,  
Եւ գուշակածներս հանդէս են գալու:

Արժէ բայց անել քողն այն ժամանակ,  
Երբ մօտ է արդէն վտանգն ահաւոր.  
Կեանք--մոլորութիւնն է տալիս մենակ,  
Գիտութիւնը՝ մահ մարդկերանց բոլոր:  
Վերցրո՞ւ, սհ, վերցրո՞ւ դու յստակու-  
թեան

Տխուր քողն աչքիցս. արիւն հմ տեսնում.  
Ջարհուրելի է քո ճշմարտութեան  
Լինել հողեղէն անօթն աշխարհում:

Տո՛ւր ինձ առաջուայ կուրութիւնս կրկին  
Եւ նախկին խաւար միտքս խնդալի.  
Լռեցին երգերն իմ զուարթագին,  
Հենց որ հռչակողն եղայ քո ձայնի.  
Գու ապագայի զարձրիք ինձ տէր,  
Խլեցիր սակայն ինձնից իմ ներկան,

Խլեցիր կեանքիս դու զուարթ ժամեր—  
Կեղծ է քո պարգևն, յետ վերցուր նրան:

Երբեք հարսնութեան շտեսան պսակ  
Իմ մատաղ գլխի հերքն անուշաբոյր՝  
Այն օրից, երբ ես կեանքս բովանդակ  
Նուէր բերեցի բազնիդ մօտ տխուր:  
Արտասունքով անցաւ իմ պատանութիւնն  
Ես հանաչեցի միայն վիշտ ու ցաւ,  
Եւ իմինների կրած նեղութիւնն  
Ձգայուն սրտիս խոր վէրքեր տուաւ:

Տեսնում եմ շուրջս խաղեր ու խնդում,  
Տեսնում եմ, աղջկերբ և ողջ պատանիք  
Ապրում, սիրում են բերկրանքով ան-  
հուն,

Մինչ իմ հեծում է սիրտն ապերջանիկ-  
էլ ինչո՞ւ գարունն ինձ պիտի ժպտի  
Զքեզ զարգարած բնութեան ծոցում.  
Ո՞վ կը ճաշակէ վայելքը կեանքի,  
Եթէ այդ կեանքի խորն է թափանցում:

Երնեկ, ասում եմ, Պոլիքսենէին,

Որ սիրտը վառուած սիրոյ կայծերից՝  
Յուսում է շուտով դառնալ ամուսին  
Ամենից վեհին Հելլէն քաջերից.  
Նրա կուրծքն այժմ բարձրանում է  
հպարտ,

Հազիւ է զսպում իր բերկրանքները.  
Ձեզ մինչև անգամ չի նախանձում արդ,  
Աստուածներ, քանզցր են իր ցնորքները:

Ես էլ եմ տեսել այդ քաջ գիւցազնին,  
Որին և ընտրեց սիրտս սիրալից.  
Զողում է աղերս իր գոզտը աչքերին՝  
Վառուած, բորբոքուած սիրոյ կրակից.  
Ո՛ւր էր նրա հետ, իբրև ամուսնի,  
Ապրէի ես իմ բնիկ յարկի տակ . . .  
Բայց, ափսո՛ս, մեր մէջ ստուերն Սաիւքսի  
Կանգնած է որպէս մի մութ ամբարտակ:

Եւ Պրոսէրպինան ինձ է ուղարկում  
Իր ուրուականներն անգոյն, անկենդան,  
Որ ամենուրեք ինձ են հետևում,  
Ուր որ գնում եմ, ուր գալիս եմ ման.  
Այդ քստմնելի դէմքերը զաժան

ՕՏ. ՓՈՒՆՁԵՐ. Ա. ՀԻՍՏՔ



Թունաւորում են դեռ մատաղ խաղերս.  
Թողնելով ինձ լոկ ցաւեր անսահման,  
Որ երբեք, երբեք չբերկրիմ այլևս:

Տեսնում եմ, ահա, շողում է սուսերն  
Եւ մարդասպանի աշիրը վառուում.  
Էլ ի՛նչ անեմ ես. սարսափ ու աւեր,  
Զուրջս նայել իսկ չեմ կարողանում,  
Թող թէ սոսկալի փորձանքից պրծնել.  
Կամայ ալկամայ ստիպուած եմ ես,  
Ինչպէս որ բախտս է ինձ տնօրինել,  
Օտար աշխարհում ողբալ սև օրերս:

Եւ մինչ հնչում են դեռ նրա բառերն,  
Բանբ. . . աղմկալից մի ձայն է լսուում  
Տաճարի դռնից. կոտորած, սւեր՝  
Թետիսի որդին սփռում է հեռուում.  
Հեռ թափ է տալիս իժեր ու օձեր,  
Աստուածներն ամէն փախուստ են տալիս,  
Եւ որոտալից ամպ ու ամպրոպներ  
Խեղճ Իլիոնի վրայ են գալիս:

ԴԵՄԵՏՐԷՅԻ ԲՈՂՈՔԸ

(Klage der Ceres)

Նորից է եկել գարունը պայծառ,  
Նորից երկիրը մանուկ է դառնում,  
Կանաչանում է բլուրն արևառ,  
Սառոյցի կեղևն հալուելով թափուում:  
Գետերի կապոյտ հայելու տակից  
Ժպտում է Ջևսի դէմքը լուսասփիւռ,  
Մատղաշ ծիլն աչք է բաց անում նորից,  
Մինչդեռ անուշիկ փչում է գեփիւռ:  
Ծառաստաններում զարթնում են երգեր,  
Եւ լեռնահարսը դժբախտիս ասում.—  
Ահա դառնում են ծառ ու ծաղիկներ,  
Բայց չի գառնում քո դուստրը սիրասուն:—

Ա՛խ, երբուանից է ես ման եմ գալիս  
Կրկին ու կրկին երկրի դաշտերում.  
Տխտան, ճաճանչներդ ողջ շաղ եմ տալիս,  
Որ գտնեն հետքը գաւկիս սիրասուն.  
Բայց դեռ ո՛չ մէկը ոչինչ չի ասել,  
Թէ ո՛ր է չքնաղ դստրիկս անգին,

Իսկ ամենատես արևի լոյսն էլ,  
 նա էլ չի գտնում իմ կորած գաւկին:  
 Գո՛ւ նրան, ո՞վ Ձեռ, խլեցիր ինձնից,  
 Թէ՛ չէ Պլուտոնն էր հրապուրուած  
 նրա սրտսզրաւ շարժ ու ձևերից,  
 Որ մինչ Հադէսի սև գետն է՝ տարած:

Ո՞վ է տանելու, իբրև սուրհանդակ,  
 Թախիժս դէպի այդ մթին ափերն.  
 Քարոնի կուրը թողնում է ցամաքն  
 Ու ընդգրկում է միմիայն ստուեր:  
 Ո՛չ մի երջանիկ չի եղել դեռ ևս,  
 Որ տեսած լինի զաշտերն այդ խաւար.  
 Քանի հոսում է Ստիւքսը այդպէս,  
 Զի կրել դեռևս կենդանի նկար:  
 Գէպի ցած տանող կան բիւր սանդուղներ,  
 Բայց չկայ մի հատ՝ լոյս աշխարհ հանող.  
 Զկայ մի վկայ՝ զստրիս արտասուներն  
 Ինձ՝ երկչոտ մայրիս՝ բերելու կարող:

Մայրերն այն, որոնք Պիւռհայի ցեղից  
 Առել են իրանց բնութիւնն հողածին,  
 Զեն կարող շիրմի բոցերի միջից

Զհետևել իրանց որդկերանց անդին:  
 Միայն Ձեռի տան բնակիչներն են,  
 Որ չեն մօտենում այդ խաւար եզրին.  
 Միայն երջանիկ էակներն են  
 Խնայուս, Պարկայք, ձեռները ձերին:  
 Զգեցէք սակայն գիշերանց գիշերն  
 Ինձ դուք երկնքի ոսկի յարկերից.  
 Անարգեցէք իմ սուրբ իրաւունքներն,  
 Քանի որ դրանք տանջանքներ են ինձ:

Ի՞նչեմ ես այնտեղ, ուր դուստրըս՝ մթին  
 Իր ամուսնու հետ իշխում է տրտում.  
 Գնամ ողջունել իշխանուհիին  
 Դանդաղ ստուերով մթութեան միջում:  
 Ա՛խ, նրա աչերն՝ արտասուներից թրջած՝  
 Զճուր են որոնում ոսկեփայլ շողեր.  
 Յածում են դէպի գունդեր հեռացած,  
 Զեն տեսնում սակայն իմ թափած ցօղեր.  
 Մինչև բերկրանքը գայ գտնէ նրան,  
 Մինչև իր կրծքին կուրծքս միանայ,  
 Ու տեղի տալով սուրբ կարեկցութեան՝  
 Նոյնիսկ քարասիրտ գծովքը ողբայ:

Անհիմն իղձեր, անլուր բողոքներ...  
 Քանի դեռ խաղաղ ու միանման  
 Դառնում են օրուայ կառքի անիւներ՝  
 Պահելով Ձեռի վճիռն անխափան:  
 Ձեռ շուռ է տալիս իր գերերջանիկ  
 Գլուխը մի կողմ՝ հեռու խաւարից,  
 Այնինչ խաւարում դուստրըս միայնիկ  
 Մնում է յաւէտ խլուած ինձանից.  
 Մինչև մութ գետի սև սև ջրերում  
 Վառ արշալոյսի շողերը ցօլան,  
 Մինչև որ Իռիսն և այդ վայրերում  
 Չգէ իր սիրուն աղեղն աննման:

Բայց մի՞թէ ոչինչ չկայ իմ դուստրից  
 Իբրև յուշարար մի գրաւական.  
 Եւ ոչ իսկ մի հետք իր գիրգ ձեռներից  
 Իբրև հեռաւոր սուրբ սիրոյ նշան:  
 Չկայ միացնող մի սիրոյ կծիկ  
 Բացակայ գաւկին սպասող մօր հետ.  
 Չկայ ո՞չ մի կապ, որով կենդանիք  
 Կապուած մնային մեռածները հետ...:  
 Ո՛չ, բոլորովին ձեռից չի ելած,

Ո՛չ, դեռ բաժանուած չենք բոլորովին.  
 Ո՛չ, դեռ մի լեզու պարզև են տուած  
 Մեզ աստուածները՝ յաւէտ երկնային:

Չենց որ մեռնում են գարնան գաւակ-  
 ներն,

Չենց որ հիւսիսի ցրտազգած շնչից  
 Դեղնում են բոլոր ծառ ու ծաղիկներ,  
 Տիւրը մացառն էլ զրկուում զարդից,  
 Ես կեանք եմ առնում, վեհապանծ մի կեանք  
 Վէրթումնի հարուստ ամաղթեղջիւրից.  
 Ստիքսին նուէր բերում եմ այդ կեանքն,  
 Ինձ պահում մի սերմ այդ անցած կեան-  
 քից.

Ապա լալազին դնում եմ իսկոյն  
 Այդ սերմն երկրի մէջ աղջկանս կրծքին,  
 Որպէսզի լինի դա սիրուս լեզուն  
 Եւ պատմէ սրտիս վիշտը դառնազին:

Ու հիմայ երբոր պարը ժամերի՝  
 Բերկրանքով ետ է դարձնում գարնան,  
 Մեռածին նորից հայեացքն արևի՝  
 Կեանք է պարզուում առաջուայ նման:



Ծիլիբը, որոնց մի ակնթարթում  
Զրկել էր կեանքից երկրի ծոցը սառ,  
Բուսնում, աճում են, ծփում, ծածանում  
Մէկից աւելի գոյներով պայծառ:  
Երբ բունն ուզում է բարձրանալ երկին,  
Գիշերն է պտուռւմ արմատն երկիւղից.  
Մէկը մնում է լոյսիցն արտաքին,  
Միւսն աճում է Ստիւքսի ոյժից:

Կոկիւտի անոյշ ձայներն ինձ համար,  
Ա՛խ, մի մի անգին սուրհանդակներ են,  
Որ ժամանում են կիսով մեր աշխարհ,  
Կիսով էլ այնտեղ, ուր մեռելներն են:  
Եւ մինչդեռ դետը պարփակած ունի  
Սիրելի դուստրիս սարսուռտ վհում,  
Գարնան նորարաց մատղաշ ծիլերի  
Միջից խօսում է բերանն այն սիրուն.  
— Այստեղ, ուր չկան շողեր լուսավառ,  
Ուր ստուերներն են թափառում տրտում,  
Բարախում են տաք կրճքեր սիրավառ,  
Կայ սիրոյ կրակ քնքոյշ սրտերում:  
— Ո՛հ, ընդունէք արդ, աչազեղ մանկախիք,

Ողջոյններս ջերմ, գուճրթ, անարատ.  
Վայելեցէք ձեր բաժակները լիք  
Նեկտարի մաքուր փրփուրովն առատ:  
Թողէք լուանամ շողերով ես ձեզ,  
Որ Արշալոյսի դէմքին ճիշտ նման՝  
Ձեր տերեւները գոյներով պէս պէս՝  
Փայլին Իռիսի լոյսովն աննման:  
Թող գարնանային շողերում նախշուն՝  
Քնքոյշ, մատազհաս կրճքերը կարգան  
Սրտիս բերկրանդը ու, երբ գայ աշուն,  
Թօշնած պսակում՝ վիշտս յաւերժական:

1901

ՏՈՒԳԵՆՔՈՒՐԳԻ ԱՍՊԵՏԸ

(Ritter Toggenburg)

«Ա՛սպետ, քեզ միշտ սիրում եմ ես  
Անկեղծ սրտով քոյրաբար.  
Մի պահանջիր դու ուրիշ սէր,  
Դա լոկ վիշտ է ինձ համար:  
Խաղանդ պահիր սիրտդ դու միշտ,  
Ուր էլ ուղղես քո քայլերն.  
Ինձ համար չեն այդ ողբն ու լաց,  
Որ թըջում են քո աչեր»:

Եւ լսում է համը վշտով,  
Սրտումն արիւն ու կսկիծ,  
Սեղմում է նրան իր կրծքին պինդ  
Եւ բաժանուում նրանից.  
Ձայն է տալիս իր մարդկերանց  
Ձուկցերեան աշխարհում,  
Եւ մի մի խաչ իրանց կրծքին՝  
Սուրբ երկիրն են արշաւում:  
Հերոսների բազուկն այնտեղ  
Մեծ գործեր է կատարում,

Ծածանում են սաղաւարտներն  
Ոսոխների բանակում:  
Մուսուլմանը սարսափում է  
Տուզգէնրուզցու անունից,  
Բայց սա սրտով դեռ ևս թոյլ՝  
Չի ազատուում իր վշտից:

Նա մի տարի տարաւ այդ սիրտն,  
Այժմ այլևս չի տանում.  
Չէր էլ կարող հանգիստ գտնել,  
Թողնում է զօրքն ու դառնում:  
Մի նաւ իջնում էր Յոպպէից՝  
Առագաստները պարզած.  
Նաւեց նա դէպ երկիրն այն թանկ,  
Որտեղ իր գանձն էր թաղած:

Եւ նժդեհը հասաւ կոյսի  
Դղեակի մօտ, բաղխեց դրան.  
Բացուեց դուռը, սակայն, աւանդ,  
Այս էր լսած պատասխանն.  
«Ձուր մի ման գալ. նա իրան երէկ  
Նուիրեց Տիրոջ երկնային,

«Եւ այժմ, իբրև երկնքի հարս,  
«Քող է կրում իր գլխին:»

Եւ թողնում է ասպետն ընդմիշտ  
Գեակը իր հայրերի,  
Թողնում է իր գէնքն ու գրահ  
Եւ նժոյգն իր սիրելի.  
Տողգէնբուրդից դուրս է գալիս  
Իբրև անյայտ անծանօթ,  
Ծածկելով իր բազուկները  
Սև քուրձերի տակ մազոտ:

Եւ շինում է մի փոքրիկ հիւղ՝  
Գէմ գիմաց այն ձորակին,  
Ուր կար մի վանք՝ շրջապատուած  
Լուսիններով տխրագին:  
Առաւօտուայ արշալոյսից  
Մինչ իրիկուն միայնակ  
Նստում էր նա լռիկ մռչիկ՝  
Դէմքին մի յոյս մեղմորակ:

Եւ նայում էր միշտ դէպի վանք,  
Նայում էր միշտ դէպի վեր,

Սիրելուհու լուսամուտին,  
Որ լուսամուտը բացուէր.  
Որ հանդէս գար սիրելուհին,  
Որ պատկերը այդ շքնադ՝  
Աչերն յառէր հովիտն ի վար  
Իբր հրեշտակ միշտ խաղաղ:

Եւ ննչում էր ուրախ գուարթ,  
Մխիթարուած, գոհ սրտով՝  
Սպասելով որ կրկին գար  
Առաւօտն իր վայելքով:  
Այսպէս նստաւ նա շնտ օրեր,  
Նստաւ օրեր, տարլիներ,  
Սպասելով գոհ, անորոտունջ,  
Որ լուսամուտը բացուէր.

Որ հանդէս գար սիրելուհին,  
Որ պատկերը այդ շքնադ՝  
Աչերն յառէր հովիտն ի վար  
Իբր հրեշտակ միշտ խաղաղ:  
Եւ նստել էր դիակնացած  
Այսպէս նա մի առաւօտ,

Եւ նայում էր լուսամուտին,  
նայում էր դեռ աչքն աղօտ:

1901

ԵՐԿՐԻ ԲԱԺԱՆՈՒՄԸ

(Die Teilung der Erde)

«Առէք աշխարհն, ասաց Ձեւ  
Իւր բարձունքից մարդկերանց,  
Առէք, ձեզ հմ տալիս ես  
Ժառանգութիւն իբր անանց.  
Իբրև աւատ եմ նուիրում,  
Վայելեցէք յաւիտեան,  
Բայց եղբօր պէս ձեր միջում  
Բաժանեցէք ինչ որ տամ»:

Այն ժամանակ ամէն մարդ  
Փութաց, եկաւ ընտրութեան.  
Պատանի թէ ալեգարդ՝  
Բոլորն այնտեղ ընթացան.

Հողագործը՝ դաշտերի  
Պտուղն ընտրեց իր համար.  
Ազնուականը՝ որսի  
Գնաց դէպի խոր անտառ:

Վաճառականն ստացաւ  
Ինչ որ պէտք էր ամբարին.  
Վանահայրը կամեցաւ  
Ընտրել տղնիւ հին գինին.  
Կամուրջներն ու փողոցներն  
Առաւ արքան իր համար,  
Եւ «տասանորդն», ասում էր,  
Ի՛մն է, քանի կայ աշխարհ»:

Եւ շատ ուշ, երբ եղել էր  
Բաժանումը աշխարհի,  
Հեռուանց անձ գալիս էր  
Բանաստեղծն էլ մօտ Ձևսի.  
Սակայն, աւաղ, չէր հնար  
Տեսնել այլ ես մի բան,  
Որ իր տէրը չունենար.  
Նրա վիշտն էր անսահման:

«Վայ ինձ, միայն ես պիտի  
Մուսացուէի ամէնքից.  
Ես, որդիքն Քո սիրելի  
Զրկուէի Քո տուրքից».  
Արձակելով այսպիսի  
Նա մի գանգատ դէպի վեր  
Նետուեց, ընկաւ Գիտսի  
Գահի առաջ ոսկեյեռ:

«Երագների աշխարհում  
Թափառողը զու էիր,  
Աստուածն յարեց՝ բարձրանուն,  
Այլես ինձ հետ մի կուտիր.  
Ո՛ւր էիր, երբ ամէն մարդ  
Իրա բաժինը ընտրեց:  
—Քեզ մ՛ճա էի և եմ ցարդ».  
Վրայ պուէտը բերեց:

«Աչերս Քո վեհ դէմքին  
Յառել էի գմայլամբ,  
Ականջս՝ Քո երկնային  
Նուագներին խնդութեամբ:  
Ներիր անմեղ այն հոգուն,

Որ Քո լոյսը մեծարեց,  
Որ ինչ ունէր այս երկրում,  
Հոյսիդ սիրուն կորցրեց:

—Է՛հ, ինչ անեմ ես այլ ևս,  
Էլ բաժանուած է աշխարհք,  
Բանաստեղծին ասաց Ձևս,  
Չունիմ աշուն, որս, վաճառք.  
Կամենում ես երկնքում  
Սպրել ուրախ միշտ ինձ հետ.  
Արի այստեղ, արի դուն.  
Քեզ համար բաց է յաւէտ»:

1901

ԴԱՐՔՆՈՅԻ ՃԱՆԱՊԱՐՀԻՆ

(Der Gang nach dem Eisenhammer)

Ե՛ւ աստուածավախ և՛ անձնանուէր  
Մի խոնարհ ծառայ էր Փրիզովին,  
Որը գոհ սրտով միշտ կատարում էր  
Ինչ որ պատուիրում էր իր տիրուհին:  
Սա կոմսուհին էր Սավերն աւանի,  
Բնութեամբ քաղցր, սրտով միշտ բարի,  
Որը քմահաճ չէր տալ մի պատուէր,  
Թէպէտ Փրիզովինն սնյդ ևս կ'անէր:

Առաւօտը վաղ, լոյսն հազիւ բացուած,  
Զարթնում էր ծառան, շտապում գործին,  
Եւ գիշերային մութը չկոխած՝  
Չէր իսկ մտածում իր անձի մասին:  
— Զերիք աշխատիս, ասում էր տիկինն,  
Այնինչ Փրիզովինն արտասուեքն աչերին՝  
Յանցաւոր էր դեռ ճանաչում իրան,  
Ասես հանգստի շինէր արժան:

Այդ իսկ պատճառով կոմսուհին ազնիւ  
Նրան էր սիրում ծառաների մէջ,  
Նրան էր տալիս պարզև ու պատիւ,  
Մեղրածոր բերնից գովեստներ անվերջ:

Չէր պահում իբրև մի ծառայ նրան,  
Սիրում էր սրտանց իր որդու նման,  
Եւ երբ նայում բարեկազմ դէմքին,  
Փայլում էր բերկրանքն իր լոյս աչերին:

Քայց անս Բորեբա որսորդի կրծքում  
Ծնում է թոյնը վառ ատելութեան,  
Թէպէտ վաղուց էր նրա սև հոգում  
Զարգացել ողին շարախնդութեան.  
Ուստի մի անգամ որսից դառնալիս  
Կոմսի հետ ինքն էլ երբ տուն է գալիս,  
Իր մոլորական խորհրդովն իսկոյն  
Յանում է կասկած պարսնի սրտում:

— Կսմս իմ, ասում է կեղծաւոր դէմքով,  
Երջանիկ էք դուք. չէն խլում իսկի  
Կասկածներն իրանց թունոտ ժանիքով  
Ո՛չ Ձեր հանգիստը ո՛չ քունը ոսկի:  
Ձեր ազնիւ տիկնոջ ողջախոտ մարմնից,  
Իբրև մի գօտի, պատկառանքն անբիժ՝  
Անբաժան է միշտ, փորձիչը նրան  
Երբեք չի կարող որս անել իրան:—

— Այդ ի՛նչ խօսքեր են, ասում է, ը՛նկեր,  
Խոժոռած դէմքով կոմսը որսորդին,  
Միթէ պիտ' ծփամ ես իբր ալիքներ,

Կասկածով նայիմ իմ կնոջ դէմքին.  
 Ոչ մի շողորնով չի պատրիկ նրան,  
 Հասնատ է հիմքը իմ վստահութեան.  
 Փորձիչն, Աստուծով, Սալկրնեան կոմսի  
 Տիկնոջից յաւէտ կը մնայ հեռի:—

—Ի հարկ է, Տէր իմ, ասում է Ռոբերտ,  
 եւ անտարակոյտ ծաղրի է արժան.  
 Այն ստրկածին յիմարը անպէտ,  
 Որը լրբաբար մինչ այն աստիճան  
 Առաջ է գնում, որ իրան արիող  
 Տիկնոջը անգամ դառնում է սիրող . . .  
 —Ի՛նչ, դողում է կոմսն ու հարցնում է,  
 Այդպիսի մի լիբը դեռ ապրում էլ է:

—Եւ սակայն այո, ամենքն են գիտում,  
 Թէն դուք, Տէր իմ, չգիտէք դեռ.  
 Բայց արդ քանի որ Դուք էլ էք ճգնում  
 Ծածկուած պահել, կը ծածկեմ և ես:—  
 Հնաւ ասա, տղայ, կամ մեռիք շուտով,  
 Ձայն տուեց կոմսը սաստիկ զայրոյթով,  
 Ո՛վ է նայողը իմ ամուսինին . . .  
 —Տէր իմ, Ձեզ ծանօթ խարտեաչ պատանին:

—Իրաւիչ է նա դէմքովն իր սիրուն,  
 Հարունակում է նենգութեամբ Ռոբերտ՝

Խիստ գրգռելով պարոնի արիւնն,  
 Ուղղելով խօսքերն իբրև մի մի նետ:—  
 Եւ միթէ, Տէր իմ, դուք չէք նկատում,  
 Թէ ի՛նչ աչքով է նա նրան նայում.  
 Ձեզ չի էլ լսում, երբ անումէք ճաշ,  
 Նրան է նայում արտով հալ ու մաշ:

Տեսէք իր գրած ոտանաւորներն,  
 Որտեղ իր սիրոյ կայծերն են փայլում,  
 Որտեղ փոխադարձ ինդրում է նա սէր՝  
 Վանած իր սրտից պատուի զգացում:  
 Սակայն կոմսուհին վեհ, ազնուական՝  
 Ծածկում է Ձեզնից՝ խղճալով նրան.  
 Ճիշտն ասած ես էլ ջաւում եմ սրտանց,  
 Որ յայտնեցի Ձեզ, Տէր իմ վեհապանծ:—

Սաստիկ զայրացած կոմսն այս խօսքերից՝  
 Իսկոյն մօտակայ անտառն է դիմում,  
 Որտեղ բարձրաբերձ հնոցի բերնից  
 Ձուլուող երկաթի բոցն էր շողշողում:  
 Այտեղ ծառաներն անդուլ անդադար  
 Վառ էին պահում հուրն յաջողաբար.  
 Փուքսերը փչում, ժայթքում են կայծեր,  
 Կալծես ձուլէին ապառաժ ժայռեր:

Կրակն ու ջուրը միացած ոյժով

Իւրաքանչիւրն իր արդիւնքն է տալի.  
 Ջաղացքի անխն անխոնջ եռանդով  
 Դառնում է, դառնում՝ ջրերին գերի.  
 Գիշեր թէ ցերեկ մուրճերը սալին  
 Խփում, հանում են շաշիւններ ուժգին,  
 Այնպէս որ սաստիկ այդ հարուածներից  
 Երկաթն էլ կակղում, ձեռում է նորից:

Եւ կանչելով կոմսն իր ծառաներից  
 Երկուսին իր մօտ՝ Տղերք, ասում է,  
 Առաջին անգամ ո՞վ որ իմ կողմից  
 Այսօր դայ ձեզ մօտ և ձեզ հարցնէ՝  
 Կատարել էք դուք տիրոջ հրամանն,  
 Իսկոյն կրակը ձգեցէք նրան,  
 Որ անմիջապէս նա մոխիր դառնայ  
 Եւ էլ աչերիս բնաւ չերեայ:

Բերկրում է զոյգը՝ տմարդ ու վայրագ,  
 Դահճի վայելուչ բերկրանքով դաժան,  
 Քանի որ սիրաը այդ կրծքերի տակ  
 Բի՛րա, անզգայ էր երկաթի նման:  
 Եւ ուրախ գուարթօ՞ վիշում են փութսեր,  
 Մաստկացնում են հնոցի բոցերն,  
 Եւ արիւնատենչ եռանդով վառուած՝  
 Սպասում մահուան զոհին գրկաբաց:

Այս դէպքից յետոյ գնում է Բորերս.  
 Կեղծաւոր ժպտով ընկերին ասում.  
 «Չնւտ արա, ը՛նկեր, չնւտ, մի՛ մնալ յետ,  
 Պարոն կոմսն այժմ քեզ է սպասում».  
 Իսկ պարոնն ասում է Ֆրիդոլինին.—  
 Չտապիր դարբնոց և ծառաներին  
 Հարցրո՛ւ, արդեօք արել են այնպէս,  
 Ինչպէս որ իրանց պատուիրել եմ ես:—

Պատըստ եմ, Տէր իմ, պատասխանում է  
 Եւ գլուխ տալով մեկնում է ծառան,  
 Բայց կանի է առնում, երբ մտածում է,  
 Թէ տիկինն էլ տար գուցէ մի հրաման:  
 Եւ կոմսուհու մօտ գնալով իսկոյն՝  
 Ասում է. Դարբնոց են ինձ ուղարկում.  
 Թէ ունիք պատուէր, Դուք տուէք նոյնպէս,  
 Գնամ, կատարեմ. Չեր ծառան եմ ես:—

Ո՛րդեակ, ասում է, տիկինը նրան  
 Քաղցրալուր շեշտով, իմ միակ իղձն էր  
 Լսել պատարագն այսօր սրբազան,  
 Եթէ որ գաւակս հիւանդ շինէր:  
 Դու գնա ուրեմն և ջերմ հաւատով  
 Ազօթիր իմ տեղն անբիժ շրթներով.  
 Գնա քաւելու դու քս մեղքերը,  
 Թերես ինձ էլ ողորմի Տէրը:



Եւ ուրախառիթ պատուէրն ստացած՝  
 Մինչ կարծես թռչում էր Ֆրիդոլին,  
 Դեռ ևս գիւղի ծայրը չհասած՝  
 Լսում է նա մի զողանջիւն ուժգին,  
 Որ զանգակատան գալիս էր բարձրից՝  
 Բերելով իր հետ եթերի գրկից  
 Մեղաւորներին ներում և շնորհ  
 Եւ սուրբ խորհրդի կոչն հանդիսաւոր:

Պէտք չէ Աստուաց խոյս ապլ բնաւին,  
 Երբ ճանապարհին գտնում ևս նրան.—  
 Ասում, մտնում է տունն աստուածային,  
 Ուր չկար շարժում, ոչ շշուկ, ոչ ձայն:  
 Ամառուայ մէջ էր. հունձ էին անում  
 Զանասէր մարդիկ ցորենի արտում,  
 Եւ եկեղեցին՝ զրկուած գպրից՝  
 Փամասացութեան շունէր մասնակից:

Եւ վճռողաբար Աստու յարկին  
 Դառնում է խոնարհ նա սպասաւոր.  
 Ասում է. Այս է պահանջում Երկին,  
 Ուտի և այս էլ կատարենք այսօր:  
 Եւ քահանային, իբրև լուսարար,  
 Տալիս է դօտի և մի փորուրար,  
 Եւ պատրաստում է եռանդով բարի՝  
 Սպասներն ամէն սուրբ պատարագի:

Այս բոլորն երբոր ջանասիրաբար  
 Կատարում է նա, գնում է փութով  
 Դէպի սեղանը, դէպի ժամաբարն՝  
 Խորհրդատեարը բռնած զոյգ ձեռքով,  
 Եւ ծունր է կրկնում մէկ աջ, մէկ անհակ,  
 Դիտում երէցի ամէն մին ակնարկ,  
 Եւ երբ «Սուրբ» «Սուրբ» ի խօսքերն են գալիս,  
 Ինքն էլ երեք հետ մեծ զանգն է տալիս:

Խաչակնքում է. ու երբ քահանան  
 Երկիւղած դէմքով դարձած սեղանին՝  
 Տէր Աստուն է բերում երևան՝  
 Վերամբարձ ձեռքով, ինքն այդ վայրկեանին  
 Փոքրիկ զանգակով զանգահարում է,  
 Սրբագան խորհուրդն յայտարարում է.  
 Եւ ծունր են գնում մարդիկ երկիւղած:  
 Խաչ հանում, կոծում Քրիստոսի դիմաց:

Այսպէս կէտ առ կէտ անեղ խորհրդին  
 Առանց սխալի մասնակցում է նա.  
 Ինչ որ պահանջում էր եկեղեցին,  
 Բոլորն էլ անգիր գիտէր նա հիմայ.  
 Եւ չէր էլ յոգնում, մինչև որ երէցն  
 «Օրհնեալ եղբուրք» ասելով օրհնեց,  
 Դառնալով դէպի իր ժողովուրդը՝  
 Կնքելով վսեմ և սուրբ խորհուրդը:

Դրանից յետոյ վայելուչ կերպով  
 Ամէն բան նորից կարգի է դնում,  
 Մաքրում է սեզանն իր դողդոջ ձեռքով  
 Եւ իր առաջին ճանապարհն ընկնում.  
 Խղճմտանքն հանդիսա, դէմքն՝ ուրախ դուարթ  
 Դէպի վարքնայ է շտապում նա պրդ,  
 Մինչև հասնելը տասներկու «Հայր մեր»  
 Ասելով լռիկ ինչպէս սովոր էր:

Եւ ծէ ահանի ծուրը տեսնելով՝  
 Ծառաներին էլ կանգնած կողք կողքի,  
 Տղերք, ձայնում է նա համեստ կերպով,  
 Կատարել էք դուք պատուէրը կոմսի:  
 Ժպտում են նրանք հեգնական ժպտով,  
 Հնոցի վիհն են ցոյց տալիս մատով  
 Եւ ասում. Ձոհուեց նա այս բոցերին,  
 Կոմսը թող գովէ իր ծառաներին:

Պատասխանն իսկոյն նա յետ է բերում  
 Պարոն կոմսի մօտ որ նրան յայտնէ,  
 Բայց կոմսը կարծես չի էլ հաւատում,  
 Թէ այդ եկողը Փրիդուլինն է.—  
 Այ թշուառական, սրտեղից այդպէս,  
 —Դարբնոցից, Տէր իմ— Ա՛խ, դու ստում ես  
 Եւ կամ ուշացել ես ճանապարհին:—  
 Ո՛չ, աղօթքի եմ պարապել, Տէր իմ:

Որովհետև երբ մեկնեցայ Ձեզնից  
 Ես այս առաւօտ, ինչպէս որ պարտքս էր,  
 Գնացի հարցնել նոյնպէս տիկնոջից,  
 Ձունէր նա ևս արդեօք մի պատուէր.  
 Իսկ նա պատուիրեց, որ գնամ, Տէր իմ,  
 Սուրբ պատարազին ներկայ գտնուիմ.  
 Եւ ես գնացի ու սիրայօժար  
 Աղօթեցի Ձեր երկուսի համար:—

Այս խօսքի վրայ կոմսը ապշելով՝  
 Սարսափը սրաին՝ ասում է. Տղայ,  
 Դարբնոցից այժմ ինչ պատասխանով  
 Դարձել ևս ինձ մօտ, շնւտ արա, ասա:—  
 Այդ պատասխանը սոսկալի է, Տէր,  
 Յոյց էին տալիս ինձ վառուող բոցեր  
 Եւ ասում. Ձոհուեց նա այս բոցերին,  
 Կոմսը թող գովէ իր ծառաներին:

—Իսկ ո՛ր է Բոբերտն, ասում է յանկարծ  
 Կոմսը զգալով մի սարսուռ ներքին,  
 Մերձակայ անտառն է ուղարկուած.  
 Չտեսնա՞ր իրար դուք ճանապարհին:—  
 Չտեսայ, Տէր իմ, ևս ոչ անտառում  
 Նրանից մի հետք, ոչ գաշտավայրում:  
 —Լնւ, ասաց կոմսն ու շուտ վրայ բերաւ.  
 Գատաստանն Աստուած երկնքում տեսաւ:

Եւ բուն սիրով սիրաբ ողորուած՝  
 Ծառայի թեից բռնում է իսկոյն  
 Եւ տանում նրան տիկնոջ մօտ յուզուած,  
 Որ դեռ այդ մասին ոչինչ չէր գիտում.  
 Ասաց. չըեշտակն իսկ մաքուր չէ այսքան,  
 Թող սա Ձեր շնորհին լինի միշտ արժան.  
 Ինչքան էլ մենք վատ դարան լարեցինք,  
 Սրա հետ էին Աստուած և երկինք:—

1901

ՀԱՐՄԱՐՈՒՐԳԻ ԿՈՄՍՆ

(Der Graf von Habsburg)

Ատիէնում կայսերական վեհ փառքով  
 Խուզովք արքան մի վաղեմի սրահում,  
 Իր սուրբ օժման շքեղ տօնի առիթով  
 Ճաշ էր անում իշխանների շրջանում:  
 Պալատի կոմսը կերակուրն էր բերում,  
 Բոհեմացին կարմիր գինին փրփրուն,  
 Մինչ ընտրողներն՝ ընդ ամենը եօթն հոգի՝  
 Ինչպէս ասագեր՝ արևի շուրջ բալորուած՝

Իրանց երկրի տիրոջ շուրջն էին շարուած՝  
 Ամէն մէկը գլուխն անցած իր գործի:

Եւ չորս կողմից պատշգամբում խառն իխուռ  
 Ժողովուրդը լցուած էր մեծ բեքիլրանքով.  
 Կեցցէներեից և ծափերից ընդհանուր՝  
 Փողերը իսկ հնչում էին խուլ կերպով.  
 Որովհետև կարտաբեր, ձիգ կուռն,  
 Կայսերազուրկ, դարձուրելի օրերին  
 Վերջ էր դնում արդարասէր սոյն արքան:  
 Էլ չէր գործիլ երկաթ սուրբ կուրարար,  
 Էլ չէր վախիլ խաղաղակեացն ու տկար՝  
 Հզօրներին լինել սարուկ անպաշտպան:

Եւ առնելով կայսրը բաժակը ոսկեայ՝  
 Ձայն է տալիս մեղմ հայեացքով գոհունակ.  
 «Փայլուն հանդէս, փայլուն նոյնպէս ճաշ ահա  
 Արքայական սրտիս տալու զմայլանք.  
 Բայց չեմ տեսնում բերկրանք բերող իմ երգչին,  
 Որ քաղցր երգով յոյգեր շնչէ իմ կրծքին  
 Եւ երկնային վեհ պատգամներ կարդայ մեզ:  
 Մանկութիւնից եմ սովորել ես նրան.  
 Եւ իբր ասպետ՝ միշտ էլ կանգնել եմ պաշտպան.  
 Արդ, իբրև կայսր հրաժարուիմ այսօր ես»:

Եւ տես, ահա, չորս բոլորը իշխաններ՝  
 Ներս է մտնում երգիչն՝ հագին պարեգօտ.

Արծաթի պէս ունի փայլուն նա մազեր,  
 Դէմքն է աժգոյն, ինքն՝ ալևոր տարիքոս:  
 Զի հնչեցնում նա քնարն իր ոսկեյար,  
 Սէր է երգում բղխած սրտից խանդավառ,  
 Եւ գովում է ինչ որ վեհ է և աղնիւ,  
 Ինչ որ մարդի տենչում է սիրտն ու հոգին,  
 Եւ հարցնում, ինչ է կայսեր հաճելին,  
 Որով շքեղ սոյն հանդէսին տար պատիւ:

«Քաւ լիցի ինձ, թէ ես երգչիդ տամ պատուէր,  
 Ասում է նրան վեհապետը ժպտազին,  
 Բեզ պատուիրել կարող է լոկ մի այլ Տէր.  
 Լսի՞ր դու քեզ ոգեւորող վայրկեանին.  
 Ինչպէս օգում քամիներն են մունչում,  
 Մարդ չի գիտում, ո՞ւտ են գալիս, ո՞ւր շնչում,  
 Ինչպէս աղբիւրն անձանձթ մնլթ խորերից,  
 Այնպէս երգչիդ երգն է ներսից դուրս գալիս,  
 Եւ այն աղօտ դպացմանց նոր ոյժ տալիս,  
 Որ մեր սրտում չեն արթնացիլ գեռ քնից»:

Եւ մինչ ուժգին լարերն հնչում են քնարի,  
 Երգիչն ահա իր պատմութիւնն է երգում.  
 «Դաշտ էր իջել մի կոմս դիւցանգըն արի՛  
 Արագավազ որսալ քարայծ տարերում:  
 Քաջ դիւցանգին հետևում էր սպասաւորն՝  
 Ձեռին բռնած որսի գէնքերն հարկաւոր.

Հենց որ հասնում է իր ձիով տիրոջ մօտ,  
 Լսուում է մի գանգալի ձայն հեռուից.  
 Մի քահանայ և մի ժամկոչ ետևից՝  
 Տիրոջ մարմինն էին բերում հետիոս:

Եւ բացում է կոմսը գլուխն հեղաբար,  
 Մինչև երկիր խոնարհում է զողալով՝  
 Իրըն պատիւ այն էութեան սրբարար:  
 Որ մարդկային փրկեց ազգն իր արիւնով.  
 Դաշտի միջին կարեկաշում էր մի վտակ՝  
 Մէջքն ունցրած հեղեղատի ալեաց տակ,  
 Արգելք դառած ուղեորի քայլերին:  
 Եւ երէցը սուրբ մարմինը փրկչական  
 Ցած դնելով՝ հանում է կօշիկն ու գուլպան,  
 Որ անվտանգ իրան ձգէ միւս եզրին:

Ի՞նչ ես անում, կոմսն ասում է, հայր երէց,  
 Մինչ դարմացած ոս գեռ նրան էր նայում.  
 — Ինձ է սպասում, Տէր, մի հիւանդ մահամերձ,  
 Որին այժմ ես երկնաւոր հացն եմ տանում.  
 Եւ քանի որ մօտեցել եմ մի առուի,  
 Որ յորձանուտ ալիքներով հեղեղի  
 Ուռել է խիտ և ցայտում է փրփուրներ,  
 Պարտական եմ բորելի ոտքով ես հիմայ  
 Անցնել այն կողմ, որպէսզի գէթ շմնայ  
 Հիւանդս զուրկ փրկութիւնից երկնաբեր:

Եւ աւափել կոմսը տալիս է նրան  
 Ասպետական ձին և մի սանձ փառաւոր,  
 Որ շուտ հասնի նա հիւանդին տեսութեան  
 Եւ անյապաղ կատարէ պարտքն հագոր:  
 Իսկ ինքն ուրախ հեծեկելով ձին ծառայի՝  
 Սլանում է գտնել վայելքն իր որսի:  
 Միւս օրը երախտագէտ բարեով,—  
 Իր պաշտօնից երէցն արդէն ետ դարձած,—  
 Յետ է բերում ձին՝ սանձիցը պինդ բռնած՝  
 Պատկառանքից աչերը ցած կախելով:


Աստուած չանէ, գոչում է կոմսն հեղաբար,  
 Որ մի էլ ես որսի տանիմ կամ մարտի  
 Այն նժոյգին, որ ձեռի տակ քո արդար  
 Փոխադրեց մարմինը իմ Արարչի:  
 Քեզ եմ տալիս, իսկ թէ դու այդ շես ուզում,  
 Նրան Տիրոջ ծառայութեանն եմ նուիրում.  
 Իբրև մի ձօն նրանն եմ տալիս անտրտունջ,  
 Որի շնորհիւ աշխարհումս ես իբր աւաա՝  
 Վայելում եմ պատիւ և գանձ յորդառատ,  
 Եւ իմ արիւն և իմ հոգի և իմ շունչ:

Թո՛ղ ուրեմն, գոչեց երէցը արդար,  
 Թշուառների ձայնին լսողն յաւիտեան՝  
 Պատուէ քեզ միշտ պատիւներով անդադար,  
 Ինչպէս, որ դու պատուեցիր անժամ իրան:

Դու, աղնիւ կոմս, Զուլիցերեան մեր երկրում  
 Քաջ ասպետի մեծ հուշակ ես վայելում.  
 Ծաղկափթիթ ունիս դուստրեր թուով վեց.  
 Թող նրանցից ամէն մէկը Քո յարկին  
 Նուէր բերէ մի մի պսակ թանկագին,  
 Եւ դարերով փայլի Քո տան փառքը մեծ»:

Լուեց ձայնը. խոկումները գիրկն ընկաւ  
 Կայսրը, հենց որ տեսաւ անցեալն իր գիմաց.  
 Ծերուկ երգչի աչերի մէջ նայեցաւ,  
 Ըմբռնեց միտքն՝ այն երգի մէջ թարնուած:  
 Տեսաւ իր դէմ նոյն երէցի հեղ պատկերն  
 Եւ սրողեց արտասուքի կայլակներն  
 Վերարկուի ծալքերի տակ ծիրանի:  
 Եւ ամէն մարդ սեեռած աչքը կայսրին՝  
 Օրհնութիւն էր երգում Տիրոջ գործերին,  
 Որ նա երգչի ներբողած կոմսն էր արի:

1901



ԲԱՒՏ ԵՒ ԻՄԱՍՏՈՒԹԻՒՆ

(Das Glück und die Weisheit)

Մի անգամ բախտն իր սիրելուց խռոված՝  
Իմաստութեան մօտ թռաւ ու ասաց.

«Արի, իմ բոլոր գանձերը քեզ տամ,  
Միայն թէ եղիր դու ինձ բարեկամ:

Ինչքան էլ առատ, սիրուն ընծաներ  
Տալիս էի նրան, նա էլի գոհ չէր.  
Աւելի էր միշտ, աւելի ուզում  
Եւ ինձ էլ դեռ ևս ժխտտ անուանում:

Հերիք է, քոյր իմ, թափես դու քրտինք,  
Արի, ես և դու բարեկամ լինինք.  
Ինչքան որ ունիմ, բաւ է երկուսիս,  
Արօրիկ գլխին հերիք է մաշուիս»:

Ժպտեց Սոփիան, երբ որ այս լսեց,  
Ապա քրտինքը սրբելով ասեց.  
«Սիրելիդ գնաց իրան սպանի.  
Ընտ, գնա հաշտուիր, ինձ չես պիտանի»:

1901



ԼՈՑՍ ԵՒ ՋԵՐՄՈՒԹՈՒՆ

(Licht und Wärme)

Ազնիւ ես, մարդ, թէ դու աշխարհ ես գալիս  
Ե՛ւ հաւատով և՛ գուարթ,  
Հաւատալով ինչ որ սնունդ է տալիս  
Մատաղ հոգուդ անարատ.  
Թէ տեսնում ես քեզանից գուրս շատ բաներ  
Եւ ճշմարտին զինուորը զրուում անձնուէր:

Բայց ինչքան փոքր, ինչքան նեղ է և շնչին՝  
Աշխարհի մէջ ամէն բան,  
Որտեղ ճնշուած հազիւ դու քո խեղճ անձին  
Տէր ես կանգնում և պաշտպան,  
Ու վերջապէս սառն, հպարտ և անխռով  
Դու քո սիրտը յաւէտ փակում ես սիրով:

Ճշմարտութեան ճառագայթները պայծառ,  
Ա՛խ, չեն տալ միշտ բոցէ շող.  
Երանի՛ր քեզ, թէ գիտութեան դու վճար  
Չես տուել սիրտդ այրուող.

Բայց ունեցիր, — և կը լինիս երջանիկ, —  
Հանճարի աչք և սիրողի ջերմ սրտիկ:

1900



ԱՂՋԿԱՅ ՈՂՔԸ

(Des Mädchens Klage)

Անտառը հեծում, ամպերը մեկնում,  
 Նստել է կոյսը դալարի եզրում.  
 Այիք փշրուում են ուժգին ուժգին,  
 Մինչ կոյսն հեծում է գիշերուայ մութին՝  
 Ազի արտասուներով աչերն ողողած:

Սիրաս մեռած է, դատարկ է աշխարհ,  
 Ոչ մի իղձ այլ ևս չկայ ինձ համար.  
 Յետ կանչիր որդուդ, ո՞վ Սուրբ երկնաւոր,  
 Ես ճաշակել եմ վայելքն երկրաւոր,  
 Ես օր եմ տեսած, սիրած ու սիրուած:

Ի գուր է հոսում արտասուքդ ուղիներով,  
 Մեռելները չեն գարթնիլ ողբերով.  
 Բայց թէ կայ մի բան որ սիրտդ սփոփէ,  
 Երբ այլևս սիրոյդ բերկրանքն անցել է,  
 Ասա, երկնայինս այն էլ եմ տալու:

Թող հոսի ի գուր արտասուքդ ուղիներով,  
 Թող մեռելները չգարթնեն ողբերով.  
 Այն ինչ որ պէտք է հէգ սիրտդ սփոփէ,

Երբ այլևս սիրոյդ բերկրանքն անցել է,  
 Վշտերն են սիլու, ուլեքն են սիլու:

1904

ԱՌ ԳԱՐՈՒՆ

(An den Frühling)

Բարև, սիրուն պատանի,  
 Դու բնութեան բերկրութիւն.  
 Ե՛կ ծագկունքով գեղանի՝  
 Կեանք աւետել դաշտերուն:

Ո՛հ, դու նորէն, զ՞նչ եկար,  
 Ե՛ւ գեղեցիկ ե՛ անգին.  
 Մեր սրտերը խանդավառ  
 Կ'սպասէին քո դարձին:

Կոյս մ' ունէի, կը յիշես,  
 Ո՛հ, յիշէիք, սիրելիս.  
 Այն աննման կոյսս հեղձ  
 Սիրեց ու դեռ կ'սիրէ զիս:

Չատ ծաղիկներ ես քեզմէ  
Առեր, տուեր եմ անոր.  
Անշուշտ այսօր ալ մեզմէ  
Չես խնայեր քո շնորհ:

Բարե, սիրուն պատանի,  
Դու բնութեան բերկրութիւն.  
Ե՛կ ծաղկունքով գեղանի՛  
Կեանք աւետիկ դաշտերուն:


1899

ԱՌԱՋԻՆ ՀԻՒՍՔԸ ԿԱՊՈՒԱԾ

Յ Ա Ն Կ

	Եջ
Իրիկոսի կուռնկները . . . . .	5
Հեռօ եւ Լէանդր . . . . .	14
Կասասանդրա . . . . .	28
Գեմեսրէի բողոքը . . . . .	35
Տոգգէնբուրգի ասպետը . . . . .	42
Երկրի բաժանումը . . . . .	46
Գարբնոցի հանապարհին . . . . .	50
Հարսբուրգի կամար . . . . .	60
Բախս եւ իմաստութիւն . . . . .	66
Լոյս եւ ջերմութիւն . . . . .	67
Աղջկայ ողբը . . . . .	68
Առ գարուն . . . . .	69





Գ Ի Ե Ե Ի 20 Կ Ը Պ.

**ՄԱՄՈՒԼԻ ՏԱԿ Ի՛**

Ստաբ փանջեր, Բ. Հիստ  
Հաճրգի հնգեակներն ու հառեակները

